

SI - PALLI

A

· BIBLIOTECA ·
· LVCCHESI · PALLI ·



Gr. I 36. XIII. 22.



N A P O L E

SCONTRAFATTO

. D A P Ò L A P E S T E ,

. D I .

G I O : B A T T I S T A

V A L E N T I N O .



IN NAPOLI MDCCCLXXXV.

Nella Stamperia, ed a spese di
G E N N A R O M I G L I A G G I O .

CON LICENZA DE' SUPERIORI.

III 24 I 25

L'AUTORE A CHI LEGGE. ³

IO, lo quale haggio no Funnaco de meze canne a lo commanno d'ogn'uno, e me mmesuro; sò ghiuto conzederanno, ca la compositione de chesta chellata mia poteva dare da dicere a quarcuno, o ca lo stile è bascio, o ca li vierze sò zaffie, o ca non ne' è nisciuna mmenzione, e sentennome sossorare sto vespone a l'aurecchia, mprimmo, che quarcuno ncommenzasse a parlare, l'haggio voluto sfenire, co dare sfazione ad ogn'uno. Ed a chi dice, ca lo stile è vascio, le responno, o che lo legge ncoppa l'asteco, ca lo fa chiù auto; o puro, che s'allegorda ca lo parlà Napoletano maje potette arrevà ncoppa Palazzo, e maje ascette da lo vascio de la Dochescia, e de lo Lavenaro. A chi dice, ca li vierze sò zaffie, le faccio ntennere, ca parlo a la Pajefana, e po le meje so buce de vorpa, non so arraglio de ciuccio, e cerco mettere nnanze la lengua mia, pè non fa comm'all'autre, che la metteno dereto; e se nerosesione quarcun'auto decesse, ca non ne' è mmenzione, le faccio a sapere, ca non canosce la Veretate, perche se la canoscesse, saparria, ca v'è sempe a la nnuda, e non have bisogno de quarehe sottaniello co le rezziglie. Nzo-mma (Lettore mio) fa sapere a tutte li coriuse, che bonno lejere sta freddura, e massema, che se sentesse pognere, e dille, ca io haggio scritto pè dà gusto a me suio, e no pè dà desgusto ad altre, E pè utemo a chi decesse non haggio fatto buono a scrivere chiatto Napoletano, ca doveva componere Ntoscano, mente mo sò schiuse tanta Poete Tosca-

ne , che ne ncacano lo Tasso , e lo Marino
 falle ne ngiorata ; e dille , ca pè ddoje cause
 l'haggio fatto ; la primma , perchè non sò
 nato Ntoscana , nè manco l'haggio vista
 maje penta , mente so canosciuto ca ccà sò
 nato , e ncoppa sti mantune sò cresciuto : la
 seconna eje , pecchè non voglio , che quarche
 mala lingua dicesse de me , comme dice dell'
 aute , ca mo , ch'è stata la Pesta , haggio fat-
 ta la spurga a quarche casa , e servutome dell'
 opere de quarche Toscano , ca m'è stata nfro-
 cecata , o ca me l'haggio accattata , e pò
 stampatala nfaccie mia .

Ora vatta , io mio è stato erapiccio de scri-
 vere accossì , e de capriccibus non est dispu-
 tando , disse no Masto de Scola . Attienne ,
 Sio Lettore mio , a stare buono , & io pozza
 sta meglio : Liegge , contempra , cojetate e
 covernate ; e fa cunto , ca se non siente can-
 tare no Cigno , manco sentarraje vocetejare
 no Vozzacchio .

Si avverte , che le parole contenute in
 questo Poema , come Sorte , Fortuna , biondo
 Dio , ed altro , sono tutte finzioni , e scherzi
 Poetici , confermandosi l' Autore sempre alla
 Santa sua Fede Cattolica , alla quale il tutto ,
 e se stesso sottomette .

L' ottave aggiunte in quest' opera sono
 quelle , dove vi è la Stelletta alla margine .



N A P O L E

S C O N T R A F A T T O

Dapò la Peste .

S' Io non parlo, e spapuro, erepo, e schiatto,
E si m'accide, non pozzò stà zitto;
Già che Napole mio s'è scontrafatto,
De pigliare la penna so costringito:
Veramente me pare nò gran fatto
De vedere, erepare, e star' affitto,
State a sentire, e si la veretate
Nò ve dico, pigliatem' a pretate.

Io faccio buono, ca sto tatanaro
Stà vota dà fastidio a quarchuno,
Mà pecchè sò sforzato de parlare,
Haggio nò poco de pacienza ogn' uno;
Cà chello che ve voglio mo contare,
La Storia non è de Liombruno;
Ma cose vere ehiare, e manefeste,
Che soccedute sò dopo la Peste.
E tu pottana che baje scapillata,
Serofa, bagascia, a tutte quante note,
Tu che na mula sì capetejata,
Che sempe penta staje ncoppa nà rota:
Tù che Sciorta, o Fortuna si chiammata,
E de gnorante, e guittune devota,
E de me sempe nnemica mortale,
Sì dico buono, sciacqua n' aurenale.

Famme perrò tra tanto no piacere ,
 Te preo , sia Musa mia cara Patrona ,
 Dall' vuorto tuo , de foglia chiù cenere
 Piglia no mazzo , e famme na corona ;
 Ca de sso muodo pò voglio vedere ,
 Se pozzo ntrare dinto d' Alecona ,
 Preganno Apollo , che me dia lo capo ,
 E me faccia saglire lo senapo .

Tu che tanto favoriste lo Cortese ,
 Singhe puro co mmico liberale ,
 Ca fimmo tutte duje de no Pajese ,
 Si bè comme fu chillo io non sò tale ;
 Perzò co mmico n' essere scortese ,
 Cà te sarraggio ammico cordiale ,
 Renova sto Poeteco linguaggio ,
 Si vuoje da me no buona veveraggio .

Già se n' era perduta la semmenta
 De sto nuosto cantà Napoletano ,
 Perch' avarrà cient' anne , manco trenta ,
 Che nullo hav' a sto stile puosto mano ;
 Vossignoria 'ntanto se contenta
 Lassare pe doje ora lo Toscano ,
 E dà ajuto a sta penna , danee cuorpo ,
 E famme vommecà quant'aggio ncuorpo .

Io de Napoletane sempe amica

(Mmè pare , che na Musa mmè responce)

* Fuje , se vuoi ch' in chesto io me c' intrica ,
 E' l tuo crin laurear di verdi fronne ;
 Dedica ad uomo buono tal fatica ,
 Ch' io le tue rime renderò seconne ;
 Huomo , cioè , che la giustizia regga ,
 E te la tua fatica , e me protegga .

A tè DON DIECO mio confido schitto ;
 E che tu me protiegge io solo spero :
 Tù che scierne lo stuorto , e lo dderitto ,
 Tù che d' Astrca sì secotore verò ;

Tu

SCONTRAFATTO.

7

Tu m'allustra, e desienne chisto scritto,
 E guardalo co n'vuocchio non severo;
 Tu che la veretà sempre desienne.
 E l'uommene forsante squarte, e mpienne.
 Già sò doje vote mò, che t'aggio visto
 Capo, e Reggente de la Vecaria,
 Persecutore d'ogne nfammo, e tristo,
 Nnemico affatto d'ogne guittaria;
 Fra poco tiempo affè sarraje provisto,
 De Reggentato de Cancellaria,
 Cà le bertute toje sò tanto belle,
 Che t'auzaranno ncimma de le stelle.
 Ed io pecehè sò nato a stà Cetate,
 E canosco li buone, e serivo e noto
 L'azziune dell'uommene notate,
 De li quale nne songo assaje devoto;
 Saacio de vuje gran cose, e nveretate
 Me despejace d'esser addiofa,
 E n'avè meglio penna, e meglio Musa,
 Pe parlare de Tè, perzò me scusa.
 Ca no juorno chi sà s' Euterpe, o Crio,
 O quarcun' auta de chelle Signore,
 Che se la fanno co lo junno Dio,
 Me daranno na sghizza de lecore;
 Voglio fa na sparata a gusto mio,
 Ma cò n'auto poeteco forore,
 E le bertute toje tanto azzellente,
 Spannere da Levante nfi a Ponente.
 Pe mò nò ve sdegnate d'addorare,
 De le fatiche meje lo primmo shiore,
 Ca si bè non sò cose troppo rare,
 * Nnè potete piglià lo buon ammore;
 Una cosa ve voglio sopprecare,
 Zoè, che mme siate Protettore;
 Ca nzeccato perzò mme so co ttico.
 Ca sì de Veretà perfetto ammico,

Attiso aggio da fare co na Musa,
 Ch' a lo cantà n' è troppo sciopolosa,
 * Ed a dire boscie non è tropp' usa,
 E perzò se mantene groliosa;
 Ntanto Vossia Llustrissima la scusa,
 Se fuorz' è spontutella nquarche cosa;
 State done' a sentì de bona cera,
 Mentre neigno a cantà de stà maniera.

STeve Napole mio ciert' anne arreto
 No poco quase, quase arrecettato,
 Pareva ch' ognuno se stesse cojeto,
 Contento de campà comm' era nato;
 Pò non volenno stare a sto decreto,
 A la fortuna tutte hanno appellato,
 Piglianno da la Pesta occasione,
 Mutato è ognuno de connessione.
 A chelle, che se piccano de Sdamme,
 Tocca lo primmo luoco co raggione,
 Ch' erano jettacantaro, quarchiamme,
 Che cagnà se potevano a sapone;
 Chelle, che nuje chiammavamo maddamme,
 Veccole tutte poste nguarnascione.
 Nè la Signora da le lavannare,
 Canoscere se pò, ca vanno appare.
 Cà se vedde de fatto na reforma,
 A mala pena scomputa la Pesta,
 Ogn' una, comme vole, se trasforma,
 Quando vedde scomputa la tempesta.
 Se mese ogne scarpone vicechio nforma,
 Ad ogne casa sempe ne' era festa,
 E scompute li trivole, e li chiante,
 Sentiste si non rise, suone, e cante.
 Dove tanno vedisse nzanetate,
 Tanta sfuorge ncampagna, e tanta sfarze
 * Tanta case de mòbele addobbate,
 Ch' acquetata la Pesta sò comparze:

Do-

SCONTRAFATTO.

Dove tanta pezziente sollevate,
 Che fa se nce poteano scene, e farze,
 E nzomma chi pisciava a lo pegnato,
 Teneva l'aurenaro arragamato.

Ogn perchia se pose nsegnoria,
 Nè boze a le feneste chiù ncerate,
 Nè manco comm'a primmo gelosia,
 Ca no bediste si non vetreate;
 E se mettettero ntanta vezzarria,
 Niente penzanno a zzò, ch'erano state,
 E chi a queste maddamme volea dire,
 Poteva non trottare, ma fuire.

Pecche chi mprimmo avea no vascetiello,
 Dove n'era lo puzzo, e la latrina,
 Co na lettèra, e no matarazziello,
 Contenta se tenea comm'à Regina,
 Pò ogn perchia, ed ogn pezzenticiello
 Co sala, nnantecammera, e cocina,
 Ed a lo lietto matarazze tale,
 Che se nnè potea fare no spetale.

Palazze, che primm'erano abetate
 Da uommene de ciappa, e da Reggiente,
 O da Cavaleraccie, e Tetolate,
 E lo poteano fa comm'a potente,
 E da d'eierte nnoglie nnargentate,
 Che de duje vasce erano già contiente,
 Ncè jero ad abetare sbuffa alleste,
 Pè ncè avere le stalle, e le remesse.

E le cammere pò tutte aparate
 De screttorie, segge, e quate fine,
 Co le cornice, e travacche nnaurate,
 Dove se l'hanno criso ste guaguine?
 E de molele tanta quantetate,
 Che n'hanno chiene pèsi a le cantine:
 Causa nnè fu la Pesta, e la Fortuna,
 Che d'ogne quatte case n'à fatt'una.

De saja mo non s'usa cchiù bestire,
 Ch'auto non bide ch'armesino, e lamma,
 O siano mmaretate, o siano zite,
 Cossì beste ogne perchia, ogne quarchiamma
 E de lo muodo pò che iso guarnite,
 Auto non vide che d'oro na shiamma;
 Cà chi le sapea nprimma, e mo le bede,
 Stà ndubbio si sò esse, e nò lo crede.
 Questo n'è niente, ma chello, che tene
 Ognuna neuollo bisogna vedere,
 Ca songo auto che farze, auto che scene,
 Che fanno a tutte quante stravedere.
 Cannacch' à piezze portano, e catene,
 De chiù forme, chiù muode, e chiù manere,
 Ed a le mmano de stè petto-elle,
 Dito non neè, che non ha quatt' anelle.
 Le tovagliole tutte sò scerejate,
 Ogne chiarchiolla mo va co li mante,
 E de velluto chiano le belate,
 Ed a le mmano portano li guante;
 E nfi a chelle, che lavano colate
 Teseche vanno co li guardanfante,
 Ed alla Chiesa tutte le ciantelle:
 Vonno sedere co le seggiolelle.
 E quann' escono pò, che hanno a spasso,
 Pare che manco capono nsè stesse,
 E hanno co no sfarzo, e cò no passo,
 Che se credeno d'essere Docheffe,
 E sientè pè la strata no sconquasso,
 E dice l' uno all' auto, chi sò cheffe?
 Ma chi non pò vedè le cose storte,
 Sbommeca, e dice, cà sò schiattamorte.
 Non ne' era taglio de potè trovare
 Chi tanno na cammisa te lavasse,
 * Ca non ne' erano affatto lavannare,
 Nè mmanco chiù zitelle, nè bajasse;

Man-

Manco nè eran auniglio, nè collare,
Cà non trovave chi le mpossemasse,
Nzomma steano le cose sconzertate,
Cà tutte erano fatte Titolate.

Vi cà trovave manco dà à filare

No ruotolo de stoppa, e de filato,

* E si l'avisse voluto pagare

Vinte carrine, manco jere arrevato;

E si volive niente reprecare,

Chella te responnea, puorco, sciaurato,

L'haje ditto cinco vote; e chella seje,

N'haje commannate de le pare meje?

Chelle che songo da vero Signore,

Non fanno de che muodo cchiù bestire,

E chell'è succeduto pe l'ammore,

Ca comm'a chelle a paraggio vonn' ire.

Ogne tiempo dell'anno a tutte l'hore,

Chi a mala pena se potea coprire

La capo co na pezza, o na mappina,

Mò si la vide, pare na Regina.

Chill' hommo, che na cappa de zegrino

Haveva nnante, o de lutto spelato,

Co na cauzetta de saja, o de lino,

E scarpe cò doje pezze ad ogni lato:

Se ne' haveva pacienza lo meschino,

E se tenèa contento, e bejato,

E chillo, ch'era povero compagno,

Mò s'è nericcato, e stà nforma de Ragno.

Chillo, che te credive fuorze muorto,

Lo vediste de botta forzetato;

E lo stracciato co lo cuollo stuorto,

Che pè begogna stea mortefecato:

Comme cardone verde mmiezo all' vuorto

Lo vediste polito d' adderezzato,

E becco sollevate mille, e ciente

Ngnorante, zanne, guittune, e pezziente.

Nne sapea cierte cò no panno cinto ,
 Seauze , ncammisa , e ncauzune de tela ,
 Che quann'haveano de filato tinto
 No vestitiello , se nne jeano a bela ;
 Ogni scafato è fatto cuccupinto ,
 Ed na tuba , na leva , e na loquela ,
 Che chi no le conosce , crede , e penza ,
 Che siano mercantune de Shioenza .

Nfrà l' aute , mille , e mille pezzenticelle ,
 Vecco sforgia secunno la stascione ,
 La stata de boratto , e terzanielle ,
 De Segovia lo vierno à battaglione ;
 Porta uno all' uso attuorno a li cappielle
 De cajonze , e pezzille le corone ,
 Ed a le gamme l'huommene de niente
 Le cauzette de seta trasparente .

Solachianelle , sbirre , potecare ,
 E scorteca cavalle , e chiavettiere ,
 Arrepezza pedale , e tavernare ,
 Vinne merce , e garzone de chianchiere ;
 Chi vò conciare stagne , e caudarare ,
 Parrelle , latrinare , e scoppettiere ,
 Pè nfi à ferra cavalle , e concia votte
 Cò manecche de lamma , e cò cappotte .

Nzomma chi jeva tutto vrenzoluso ,
 Stà co belluto , terzaniello , e raso ,
 Vace a lo paragone , e beste all' uso
 Chi jeva mprimmo peo de no vastaso ,
 Conca le bede , nne resta confuso ,
 Cà pare veramente strano caso ;
 Perche chiù non se scerne quale sia
 Prebbe , Ceveletà , nè Signoria .

Vecco cà li Segnùre so arredutte
 Pe non vestire comm' à potecare ,
 Portare cierte borattielle , e lutte ,
 E fà vedere cà non songo pare ;

Ma

SCONTRAFATTO. 13

Ma una cosa ne' è, cà quanto strutte
Songo sti sfuorge, auto no ne' è che fare,
Pecche sperammo à Dio, ca stà tempesta.
Maje chiù sarrà pè miczo de la Pella.

Si pò parlammo nquanto a lo ngorfire,
Mangiavano lo meglio, e lo migliore,
E da lo mare facevano scire
Pesce de priezzo, e pesce de stopore.
Era pe cicito fatto da sfordire;
Ca-d'ogne ncosa avevano lo sciore;
Nzomma poteano stare à paragone
A Crasso, a Mida, a lo Ricco Pellone.

Haveva nà taverna ogne pontone,
E se man, iava fore delle strate;
Zanne, e quarchiamme ncommertazione,
Facenno spantossime magnate.
E chi cantava, e chi faceva ceccone,
Scordate affatto de li guaje passate,
Dicenno, cà chi auto avea lo male,
Chiù non potea morì, ch'era mmortale.

Chi maje non se potette sgoleare
De carne strascienata, e maccarune,
E quanto se poteano saziare
De carne, e foglia, erano Prentepune;
Mò non s'abburla, cà vonno cardare
Vitelle, pulle, pasticce, e pastune,
Nè a la taverna le bide accattare
Chiù bino russo de sette denare.

La gente vile de chiù bascio stato,
Vino non vole, si non è squesito,
Quanno le spea mele nzoccarato
Chello ch'era d'averzeto, e d'acito;
E mò chi lo credesse? ogne scasato
Le cantinette teneno de vrito,
E comme sempe avessero la freve,
Vonno de stafa, e de vierno la neve.

Io m'allegorizzo poco tempo nante
 Schitto quarche Signore, e Titolato,
 E frà chille porzi quarche Mercante
 La stàta sulo vivere annevato;
 Mò ogne portarobba, e tutte quante
 Anno lo stesso stile secotato,
 E si quarche briecone pè na sera
 Non hà neve, non mangia, e se despera.
 Ma chello che me dea chiù mmaraviglia,
 Siente chest'auto, e bide che te pare,
 * Cà nmarcare me fecero le ciglia,
 Arriso, che lo bidde appa a crepare,
 Nsi a la sorbetta, e l'acqua de vaviglia
 Vastase portarobbe, e potecare
 Pigliavano a la itorza, e steano 'ntresca;
 Come fosse acquavita, o acqua fresca.
 Quanta, ch'è mala pena lo pesone
 Ncapo dell'anno poteano pagare,
 E l'era fatta la secozione,
 Cà lo patrone non volea aspettare:
 Ciert' aute spisso jevano mpresone,
 E p'asci se facevano visitare;
 Mò co' la Pèsta, tiente che fortune!
 De case, e massarie songo patrune.
 Chi s'accatta na casa, o no palazzo,
 Chi patrone se fa de massarie,
 * Chi lenzola n'avea, nè matarazze,
 Mò stace co' travacche, e argentarie:
 Chi non avea pè s'appontà nò lazzo,
 Mò fa spese de truono, e mercanzie.
 Nzomma chi non avea manca lo shiato,
 Nsi a le stelle se vede sollevato.
 Chi pè non gli presone a mazza franca
 Jocava co' li sbirre, e ghiea zompanno,
 * Chi de mangià lopine avea l'allanca,
 E stea inecessitate tutto l'anno.

Chi

Chi n'afficio s'accatta, e chi na banca,
 E de seta vèlle, chi vèste a panno,
 Mà, che dico, lo cuorno che mme ceca,
 Se jevano a bèssire a la Jodeca.
 Mme parze de vedè justo no mbruoglio,
 Mme parzero vedè le bagattelle,
 * Pocca cierte mercante de no fuoglio,
 Che pe campà faceano ciento zelle:
 Chi sotto cò l'agliaro accattà l'vuoglio,
 A la poteca cò doje sarcenelle,
 Leva à bista de tutte, no guittone,
 Fra poco tiempo diventaje Paone.
 Quanta da la Fortuna assassinato
 Co chesta Pesta se sò arrepolute,
 Quanta nnemice avea la povertate,
 Che mò de fatto tutte l'ha perdute;
 Nzomma tutte se songo arreccate,
 E le necessitate sò sbanute:
 E chi p'esser' acciso stea l'autriere,
 Mò pè Napole và co lo Staffiere.
 Chi maje non vedde cera de tornese
 Tenea le sacche chieno de zecchine,
 * Chi non se potea fà manco le spese,
 Ca maje sane vedette duje carrine.
 Chi a mma'a pena cò stentà rò mese,
 Abbottà se poteva de lopine,
 Chi non sapeva pè campà che fare,
 Mò squarcioneja, e parla de megliare.
 Vedè jocate a bota tornesielle
 Pe parte de tornise doppiune
 * Vistase, portarobba, e guittarielle,
 E mill'autè, frabutte, e mascauzune:
 Li zecchine pareano jettarielle,
 Perche ogn'uno n'aveva li vrancune,
 E nè faceano justo chillo cunto,
 Che de li tre cavalle se fa appunto.

Non

Non serve trasì dinto le materie

De li juoche de dade, e de le carte,

* Pecche songo à sentirle vetuperie,
Che se nnè ntosciarria Saturno, e Marte;
N' erano juoche nò, ma erano strevierie,
E ciento puoste erano pe ogni parte
Dove le manco mmitte, e massiate
Scaffavano, mme creò ciento docate.

Hora si se nnè fecero denare.

L' esatture de cotto, e tanlegiere,

Dicalo chi trovajese à sto giocare

* Ca n' ha mill' anne, e quale fu l' aut' jere,
Nc' è hommo, che se fece le migliare,
Nè la cede à qualonche Cavaliere;
Nzomma co stè secure-mercanzie,
S' hanno fatte Palazze, e Massarie.

Addov' erano tanno li Poete,

Che dell' oro cantattero l' etate;

Pocca chiù, che non songo, vrecce, e prete

* Correva d' oro tanta quantetate;

Vengo a dicere io mo ca le monete

Erano tutte d' oro ammartellate,

Ca nfi a li seggettare, e li facchine,

Parlavano de doppie, e de zecchine.

Otra de chello, se so sollevate

Mille spelleccchie cò le grosse dute,

Che n' auto tiempo manco se so date

A li Dottore, ed huommene sapute;

Se tratta c' hanno havute migliarate;

Cierte caccial' a pascere papute,

Cierte pezziente, e certe alleurecate,

Ch' ogn' uno le pigliava a bessicate.

Frostiere de chiù parte, e chiù paese,

Ch' erano state a Napole garzune,

Mille sabrutte, e mille spoglia impise

Ch' ogn' uno le pigliava a scoppolune;

Mo

Mo chiste ntanto tuono se sò mise ,
Che si le bide , pareno Barune ;
A gran merzè le dute , ch' hanno date
Le prellarole femmene sciaurate .
Pecche chi se smauteva pè dottore ,
E chi ch' era mercante de ragione ,
P' apparenà co nobele , e segnure ,
Pe piglià dute grosse , e dute bone ;
Ma po chi è diventato servetore ,
Chi fauzario , artefciano , o coppolone ,
E si Serevano nnè rescì à quarcuna ,
Happe pè li Capille la Fortuna .
Co preammole fauze , e testamiente
Fatt' a la babalà senza Notare ,
Sollevate se so mille scontiente ,
Che non havevano muodo de campare ;
De li muorte smautennoze pariente ;
Quanno a chille solo erano compare :
Co l' ajuto perzò de ciente ammice ,
Che ntefcano de dicere non lice .
Chi se mette n' possesso de na casa
Co ragiune politeche , e de stato ,
O co quarche preticito , o quarche rafa ,
Se nnè dishiara arede abentestato ;
Ogn' uno comme cane addora , e annasa ,
Ogn' uno commo lupo , stà arraggiato
Attiento de vedè comme po fare .
Pè potè ì de ronna , e granciare .
Fortuna su de ciente sbentorate ,
Ch' erano miserabele , e mennice ,
Quale co li pariente , e co li frate
Stevano pe guarzune li nfelice ;
Muorte senza parlà , le redetate
Songo ncappate nimanò a chisse ammice ,
Ma se chille faceano testamiente ,
Spezola se potevano li diente .

Chi

Chi lo frate tenea pe Servitore,
 Chi tenea lo nepote pè staffiere,
 Chi lo cainato haveva pè compratore,
 E chi le faceva fa quarche mestiere;
 Magnanno sempe pane de sodore,
 Comme si state fussero frostiere,
 Hora mò ehiste (vide le fortune)
 Da serveture, fatte sò patrune.

Chi venneva castagne, e chi scioscelle;
 E fuorz' arte chiù bile pè campare
 Facev' d'jea vennenno zagarelle,
 E chi stea pè guarzone à potecare;
 Auzare le bediste nfi a le stelle,
 Tanta fù l'abbonnanzia de denare,
 Perzò lassanno l'arte, e lo mestiere,
 Ogn' uno volea fà lo Cavaliere.

O sfortonate, e povere popille,
 Ch' eran tanno nato a ste destine
 De stare sottapuose a chist' e chille,
 La meglio parte zanne, e malantrine,
 Hoje nfi a lo cielo nne vanno li strille
 De chiste miserabele, e mischine,
 Che stettero sogette a no totore,
 Che le poteva stà pè servetore.

E de ciert' altre, azzò eh' ognuno ntenna,
 Che se ngrassarò cò la totoria,
 E se nforchiaro dinto stà facenna,
 Senza decreto de la Vccaria:
 A le robbe se mese nomme penna,
 Stabele, arrennemiente, argentaria;
 Ma pò che l' hanno tutte sbaragliate,
 Pè non fà zita bona sò alleppate.

L' aute se so mpezzate pè le case
 Cò mille scuse a fare le rescuse,
 E da le pedamente l' hanno rase,
 Ca non c' era contrasto, nè contese:

Pè

Pè la paura de le buce spase,
Ch'era affatto mpettato lo pajese,
E perzò chillo ch'era chiù becino,
Trafeva dinto, e ghiocava d'ancino.

Scrittorie, e bauglie, stipe, e cascie,
Scaffanno allegramente a buone chiune,
Non perdonanno a cammere, ne à bascie,
Comme si state fussero patrune;
E senza chiavettiere, o maste d'asee,
De scale se servettero, e de fune,
Co tanta libertate tutte quante,
Che pareva fosse Sedia vacante.

Dicere de la spurga havea penzato,
E de quant'era nchella socceduto,
Ma eièr' ammice, che m'anno avisato,
Vonnò, che non ne parla, e che stia muto;
Perche chiù d'uno ncè jarria immescato,
Perzò fegnimmo ccà de lo sforduto,
E dapò, tanto chiù cà siè nzalate
Le fanno nfi a li surde, e li cecate.

De chille, che tenevano li passe
A li puonte, a le porte, a li rastielle,
Azzò nesciuno a la Cetate ntrasse,
Massimamente s'erno poverielle;
* Non dico cà facero ciente schiasse,
Pè lo quale se nchirno le borzelle,
Mà dico, cà m'è stato referuto,
Che se nnè sia chiù d'uno arrepoluto.

E chi tenno tenea la chiave mmano
De certe Chiesie affatto abbannonate,
Dove fuorze nò nc'era Sacrestano,
E s'erano de chelle mpossessate;
Voleano pè l'apri lo sottamano,
* Ne nc' erano chiù sfritte, e belle ntrate,
Cà p'atterrà no muorto si le dive
Ciento scute pur' erano corrive.

Ma

Ma la famma , che bà co' la trommetta
 E dice-spesse vote la boscia ,
 Pe lo munno spedisce na staffetta ,
 Probecanno sta fauza deciarìa ,
 Ca Napole de gente steva netta ,
 E ea non c'era nullo , arrasso sia ;
 Sentenno chello mille ausielle d'acqua ,
 Da ciento parte vennero a la stracqua .
 Venute sò da lontane paìse ,
 Nfì da Romma , e Melano gente strane ,
 Co na gran quantetà de Calaurise ,
 E na caterva de Ceceliane ;
 Li quale tutte quante s'anno crise ,
 Ca non ne'erano chiù Napoletane ,
 Dicenno : Cammarate allegramente .
 Ca Napole è bacante , e senza gente .
 Se credettero fà na grossa presa ;
 (Oh potta , e comme vennero ammolate)
 Mài le rescette vana chesta mpresa ,
 Peeche non fu'o buone ammajestate ;
 Perzò chi na galera , e chi na mpesa ,
 Co stà venuta se ne'hanno abbuscate :
 Lo riesto sbegottute da stà vista ,
 Chi fà quarch'arte , e chi fà lo copista ,
 E po quase sfrattato lo casale -
 Aseiaino , e le fu curto lo jeppone ,
 Pecchè li nuoste con foro anemale ,
 Ca sapeano le case , e le perzone ;
 E foro de manera pontoale ,
 Pe n'essere trattate da coglione ;
 Cà ne le sciervecchiajeno co destrezza ,
 Ch' appena ne'è restata la monnezza .
 Fà sonà quanto vuoje li campanielle ,
 E grida chi sapeffe , o haveffe visto
 Catene d'oro , cannacche , giojelle ,
 Ca robbe tutto sò de mal' acquitto ;

Mprom-

SCONTRAFATTO. 21

Mprommette veveraggie, fa cartielle
Mpezzate, che da tutte siano viste,
Prega, sconiura, chiajeta, e n'aggie abbiento,
Tutte fatiche so sparze a lo viento.

Se sò stracquate li Predecature,
E sò abbrocate pe le fa tornare,
Ma le fatiche loro, e li sodure
Pè chisto cunto sò ghiettate a mare,
L'voglio, e lo suonno, ponno stà secure,
Affè ngè, perderanno a luongo andare,
Ed avarriano fatto meglio cierto,
S'aveffero gridato a lo desierto.

Ncè restava de dire n'auta cosa,
Ed è la meglio, e mme s'era scordata,

* Ca non è da tenerla mò nascosa,
Ma cierto degna d'essere contata;
De cierte, che co carotà pe'osa
A le cappelle, ch'erno p'ognè strata
Stevano, e recoglievano li vute,
De le femmene, e l'uommene papute.

Erano chiste ccà cierte Mercante,
Che jeano a caccia de cannacche, e anelle,
Erano comm'a di cierte truffante

* De vestite de robba, e de ronnelle:
Stevano a fare llà de li zelante,
Ma pe gabbare chelle femmenelle,
Che pè golio d'avè la sanetate
Tutte nne le mannavano spogliate.

Hanno saputo fà lo fatto lloro,

Tutte pè cierto de bona manera;
Perzò non sò chiù mò chille che foro,
F stanno n' shiore comm'a Primmavera:
Ogn' uno chino s'è d'argiento, e oro,
Ma che se one vca bene nullo spera;
Pecche n'aterno a lo munno s'è bisto,
Non goda, chi robb'ha de mal'acquisto.

Vec-

Vacco ch' autre hanno attiso a fa denare,
 Ed a stipare doppie, e cianfrune,
 Mo no tierzo l' attienne a sbaragliare
 Co le pottane, e commerciaziane;
 Co tutte l' agge lloro vonno stare
 Tanta piscia vrachette, spellecchiune;
 E nfomma ognuno sta nfesta, e gielleja,
 E sforgia, joca, sguazza, e pottaneja.
 Appena furno le cose acquietate,
 Dapò soccessa chella gran ruina,
 Che comm'a mosche a carne scortecate
 * Facevano pe tutt'a Mergogliana,
 All'vuocchie de le case sacchejate,
 Co musca de sera, e de matina;
 Ma sia comme se sia, farrà freddura,
 Cà la corza dell'aseno non dura.
 Possileco vediste assediato
 Da mille varche, e falluche sottile,
 Ogne guittone se n'è appatronato,
 Ca non nc'erano echiù gente cevile.
 No luoco pe Segnure destenato,
 Era a luoggio de gente le echiù bile,
 E de dicere puro so costrinto,
 Da chi maje lo vedette manco pinto,
 Co cetole, chitarre, e tammorrielle,
 Co tiorbe a taccone, e calasciune,
 Moschette, rebecchine, e fiscarielle,
 Co zimmarre, viole, e biolune,
 Mille zantraglie, e mille pettolelle.
 Co n'auto tanto de zanne, e guittune,
 Llà se jettero a nchire lo vodiello,
 E diventà lo fecero vordiello.
 Chi vace a bele chiene nsl a lo pizzo,
 E chi a Pocereale và ncarrozza,
 * Chi corre a la Taverna de lo Sghizzo,
 Chi all'acqua de la Vufara se sbozza;
L'uom-

SCONTRAFATTO. 23

L'huommene buone stegan'a no pizzo,
 Vedeano, e facevano la vozza,
 E deccano nfrà loro, havimmo tuorto,
 Ca non seppemo fà lo schiattamuorto.
 E chillo luoco de marmoria aterna
 Dico la Grotta de li Sportegliune,
 Chella ch' haveva da essere cisterna,
 De chiantè eterne, e lagrimaziune:
 Deventà la facettero Taverna
 Tant' autre asciutta vutte, mbriacune,
 Comme si lla li muorte, e li mpestate
 Fessero vive, o puro forzetate.
 Perche destante da lo Cemmeterio
 Sei passe ne' è no bello Refettorio
 Dove la mbrejachezza regge imperio,
 * Ed ogn' uno se leva quarche sborio,
 Llà se sentea de Bacco ognè mproperio,
 Co suone, cante, allueche, e strelletorio,
 De perchie, e de zantraglia a mille, a mille,
 Ch' arreccià te facceno li capille.
 Io quanno zzo vedette mio Signore
 Crediteme ca n' happe a speretare,
 E fu tanto pè cierto lo dolore,
 * Che comm' a pazzo me mise a strellare,
 E disse, o gente, crude, e senza core,
 Comme stè guattarie potite fare,
 Che pè parte de chiagnere a felluzzo,
 Ve vevite de lacrema no puzzo?
 Tanno mme responne no farchiapone,
 Ch'era no sardagniuolo grasso, e bracco,
 E steva 'nchella commertazione,
 * Che trà chille baccante, pareva Bacco;
 Ed auzatose 'neanna nò trommone,
 Disse, n' è tiempo mò de fa sciabacco,
 Già che non simmo muorto co la Pella,
 Sempre volimmo fà bazzara, e festa.

- Si non sapisse fa lo schiattamuorte,
 Abbuscate na funa, e datte vota;
 Si nuie morimmo, è puro pè nuie muorto
- * Munno, e non tornammo n'avuta vota;
 Frate mio, non parlare chiù, c'hai tuorto
 E che chello che te dico scrive, e nota;
 Ca da sto munno (brinnese) ora siente,
 Tanto n'haje, quanto tire colli diente.
- Razza d' Epicorei, rispose io tanno;
 E nate fulo pè v'anchi la parza,
 Che ve pozza venire lo malanno;
 * Addonca non avit' auta speranza,
 Io tanno diventà volev' Orlanno,
 O avere d' Marte la possanza,
 Che chello n' briachesse, e mbriacune.
 L'avesse accise tutte a secozzune.
- Vago a Po eriale pè no juorno
 A spaffo sullo dintò a lo ciardino,
 Ed ogne pizzo de chillo contuorno
- * Era de schiattamuorte tutto chino;
 E geratolo tutto attuorno attuorno
 Autro non sentea di, che benga vino:
 Venga echù bino, venga da magnare.
 All' vuocchè di chi seppe sparagnare.
- E llà chi a lo spreposeto parlava,
 Chi pe lo troppo vevere chiagneva,
 E chi lo vino vippeto pisciava,
 * E chi (ma non se sa, pecche) redeva:
 Chi lo magnà sopierchio vomittecava,
 E chi de la Fortuna se doleva;
 N'zomma non faccio a dire si ste razze
 Aveano sentimento, o steano pazze.
- Tann'erano segnore li chianchiere,
 Li casadduoglie, e l'autè potecare,
 E tutte l'autè gente de mestiere,
 * Li quale se volcano a serzetare;

Viato

Viato chi faceva lo pastecciè ,
Pecchè pigliava a pala li denare ,
Ca pe se fare ogn' uno bone morza
Li zecchine spennevano a la stòrza .
Le carrozze vediste a cient' a cliente ,
Chiù che non furno carrettune nnante ,
Non vediste chiù a Napole pezziente ,
Cà se trovava ogn' uno li contante ,
A li guste , a li spasse , a li contiente ,
Se dezero de botra tutte quante ,
Comme la morte morta fusse puro ,
De non morire ogn' uno stea sicuro .
Non vide echiù a cavallo uon mene buone ,
Che da vero lo fanno cravaccare ,
Perche a cavallo vide no macchione ,
Che pare justo se jesse a frustare ;
Chiste no tiempo arreto erano buone ,
Pe le portare a bere , e strigliare ,
Io pe mme restò stato de metallo ,
Quanno vego no ciuccio ire a cavallo .
Si dammo a li cavalle na revista ,
Sò tanta , che a contarle nullo vasta ,
Ca non nc' è zavarino , e non nc' è artista ,
Ch' a chi le tene meglio non contrasta ,
Perrò a cavallo fanno na gran vista ,
Chi va sgobbato , e chi de canto , e basta
E si lo buoje senti mpoco parole ;
Pareano Sagliemmanche , e cacciamole .
So , quanto v' aggio ditto , e rose , e seiure ,
Ca nce so cose da strascolare ,
Ca cierte vonno fà comm' a Segnure ,
E bonn' ire co chille a pare a pare ;
Che belle storie , e che brutte figure ,
Vediste tanno da strascolare ;
Che scene stravacante , e che motanze ,
Che brutte prospettive , e lontananze ,

Dov' è Tartaglia mò? dov' è Scatozza?
 Addov' è ghiuto Pascariello Truono?
 Dov' è co li compagne Luca Vizza?
 Addov' è Janne, Parmiere, & Antuono?
 Pecchè mò tenariano la carrozza,
 Mo se sarriano puro puosto ntuono,
 Ca de chisse chiù zanne, e chiù sciaurate
 Erano da carrozze strascinate.

Mme pare justo stà dinto Torchia
 Tanta Schiave nce sò pe sta cetate,
 S'è fuorze revotata Varvaria,
 Che n'è benuta tanta quantetate.
 Sto negozio è benuto nguittaria,
 E me pare na troppo asenotate,
 Ca, levato lo Boje, ch'è Ciannetiello,
 Ogn'un'ave lo Schiavo, o Schiavottiello.

Nhi a lo Trommetta de la Vecaria
 Tene la schiava, o cosa mostiuosa!
 Ed ogn'aut'artesciano, e n'è boscia,
 E nformarene ogn'uno de sta cosa;
 Che ve nne pare de sta guittaria?
 Se pò sta zannaria tenè nna cosa?
 Soccorrite vuje Giove, dar'ajuto.
 Pecchè lo sentimento s'è perduto.

A Cavaliere ricche, e Titolate,
 Tenere Schiave ncase de stà bene,
 Ca sò patrone de Terre, e Cetate,
 E maje de povertà senteno pene.

A chi non ave tanta potestate,
 Pe cierto, ca desdice, e non comment;
 M'assem' all'artesciane, e poverielle

Tenere schiave, e manco schiavottielle.

Pecchè des dice all'aute no lo dico,
 Chiù pe modestia mia, che pe paura;
 Ca vorria fa vedere a quarch'ammico,
 Ca faccio ann evenare la ventura;

O bella usanza de lo tiempo antico ,
 Che sapeano parlà pè nfi a le mura ;
 Non però chi ha ghiodizio , e comprenne
 Senza , che troppo parla , bè me ntenne .
 Nfi a lo bestire se sò sconzertate

La chiù gran parte de st' arrepolute ,
 Chi s' ha puoste li guante , e chi le spate
 E chi a li piede le scarpe cornute ;
 Cierte co li cauzune spampanate ,
 E chi co li cappielle mpicciolute ;
 Altre le panze nfora hanno caeciate ,
 Pè cammenare co chiù gravetate .

Chi co li manechette a la Romana ,
 O chiammare volimmo mappulune ;
 Chi co lu farrajuolo a la baggiana
 Luongo , che le commoglia li tallune .
 Vonno parlà co chiacchiara toscana
 Ciert' altre resagliute coppolune ;
 Ma la Dochesca , Lavinaro , e Puorto ,
 Son canosciute da l' Occaso all' Uorto .

Chi jogne , e manca lettere a la casata ,
 Ca la vo fa parere annobeluta ;
 Chi l' ha de ciento muode reformata ,
 Ca vole , che maje chiù sia canosciuta ;
 E s' ha peziante de vascia carata ,
 Le nega , le renenza , e le refuta :
 S' ha puosto ncapo ogn' uno sta chimera ,
 Ca essere non vo chiù chillo ch' era .

A muodo sujo ogn' uno s' ha mmentate
 Certe mprese , che maje se sò sapute ,
 Nè manco le faccero l' Antenate ,
 Pecchè non nè fu scienza , nè bertute ;
 Chi fece le cetrole nnargentate ,
 Chi ncampo d' oro li ciurve cornute ;
 Quanno la mpresa chiù reale , e bera ,
 Sarria schitto na forza , o na galera .

Chi mezzo se fa pegnere, e chi sano,
 Comme se fosse quarche gran Signore,
 Chi co na lettera, o no voglietto nmano,
 Che benuto le sia tanno da fore.
 Ogn' ommo, che lo vede da lontano,
 Crede, che sia perzona de valore;
 Ma pò quanno s'accosta chiù becino,
 Vede no zancarrone malantrino.
 Chi joca a lo pallone, e chi a lo trucco,
 E chi se mpara manejà la smarra;
 Vediste tanno ngrifare ogne mucco,
 Usato schitto a manià la varra;
 * Ed ecco se vedette ogne sciasciucco
 Essere diventato Marco Sciarra;
 Ma chiste so chiù atte a fa pretate,
 Ch'ad arrancare, e fare a cortellate.
 Se sò tutte de botta trasfornate,
 Potta d'aguanno, e che consolione?
 Non vide autro, che stronza nzoccarate,
 Contr' ogne legge, e contr' ogne ragione.
 Pesta mmardetta, pechè aje sollevate
 Sulo gente de vascia nazione,
 Sulo gnorante, e uommine de niente,
 Digne de no premmone a li morfiente?
 Se fosse vivo Aviddio Nasone,
 De cheste metamorfese farria,
 Chiù de chillo che face, no librone,
 E na gran quantetà ne vennaria;
 Ca sto soccieffo non è menzione,
 Nè bello nciegno de la poesia;
 Nè manco chi l'ha scritto s'è nzonnato,
 Ca tutte l'hanno visto, e pratticato.
 Napole mio, e che t'è socceduto?
 E comme sì de botta trasformato?
 Già ch'ogn' ommo de niente è resagliuto,
 E chiù de n' ommo buono è sconsigliato
 Chi

Chi pane non avea s'è repoluto,
E sta co la zitella, e lo crejato,
Benaggia quanno maje venne la Pesta.
Che tanta coppolune fa stà nfesta.

Veccote tutte puoste mmezzarria,
Co le robbe de povere mpestate.
Veccot'ognuno puosto n'arbaschia,
Perche le spoglie vecchie hanno jettate.
Veccote ca s'è puosto nsegnoria,
Chi contrastava co la povertate,
E chi mprimmo mmoltava li tallune
Si mo le bide, pareno Barune.

Gente degne d'annicchie, e de scerveccchie;
Azzoè com'm'a dire, serveture,
Arrepezza pedale, e robbe vecchie,
E d'ogne aute la feccia, e scolature.
Quanno le parole non te danno aurecchie,
Cà chiammate vonn'essere Segnure,
Nè chiù maste chiammare se ponn'oje,
Ca diceno, ch'è titolo de Boje.

Ncè vonno auto, che chianto a li dolore,
Massimamente a stà nostra cetate,
Addove songo l'annevinature,
Che fanno nuje, e li nuoste antenate.
Fanno le cose antiche chiare, e scure,
Chi da lo vero simmo, e simmo state;
E co no bello muodo, e bello stilo,
Te contano lo fatto pè lo filo.

Deh Malto Giorgio mio dotto, e saputo,
Che tanta capo tuoste aje addomate,
Si non te muove a dare quarch'ajuto,
Nuje simmo tutte quante arrojenate,
Non vi ca lo giudicio s'è perduto,
E tanta cellevrielle sò sbotate?
Auza ssà verga toja, muovete priesto,
E non fà, che se perda st'autro riello.

Fà, che se sbeglia ogn'uno, e che canosca
Quale, e chi era mprimmo de la pella,
Falle passà da lo naso ogni mosca,
Falle provà lo zuco de l'agresta;
Azzò ch'ogn'uno pe deritto fosca;
E se leva ogni summo da la testa;
E fallo priesto, ca fare lo puoje;
Ca si no lo faje tù, lo fa lo Boje.
Hanno porzi mutato arte, e mestiere,
E non vid' autro, che mieze Segnure,
Che vonno l a paro de li Cavaliere,
E songo asciute da progenie scure;
So figlie d'artisciane, e de staffiere,
E bonno fare de li bell' omure,
Pecchè se penz' ogn' uno (ma se nfosca)
Che nullo nee sia echiù, che le canosca.
Musa no mme fruscià echiù lo cauzone,
Lassame ire, e no me dare abbasca,
Ch'all' arecchia me sento no vespone,
Che dice ca m'annego a sta borrasca;
O a la fine quarche sceozzone
Mancare non me po dintò na masca,
Mentre faje buono, ca sòng' odiate
Chille, che bonno di la veretate,
Songo passate li tiempe felice,
Quando li verdatiere erano amate,
Addove truove chiù de chill' ammicce.
Ch' amavano sentì la veretate?
Si hee n'è uno, è comme la Fenice,
Quale non nasce a stè notte etate,
Ca hoje si tu la dice, non si ntiso,
Di favole, e pallune ca si criso.
De chiù pè la moria tanto potente
Mancajeno affatto da li Tribunale
Cierte Scrivane da vero saccente,
Ch'aveano ncapo quarche po de sale,
Ma

SCONTRAFATTO.

31

Ma mo se nce sò fatte certe gente ,
 Che non ne dico nè bene , nè male ;
 Ma faccio ca nc'è chiù de no Scrivano ,
 Ch'è nnemmico sfacciato a Presciano .
 Cierte jeano vennennò esca , e focile ,
 E cierte pure , che furno staffiere ,
 Ciert' aute potecare , e gente vile ,
 E nc' è fuorze quarcuno panettiere ,
 Che diventate sò gente cevile ,
 E fatto è chi Scrivano , e chi Portiere ,
 Li quale veramente tutte stimmo .
 Sarriano assai chiù buone pè no rimmo :
 Chi Scrivano se fa de lo Consiglio ,
 Chi a la Cammera và , chi Mmccaria ,
 * E diventa Leone no Coniglio ,
 E bi ca quanto dico fu boscia ?
 Potta quanno ncè penzo ne squaquiglio ,
 E bao decenno tra la mente mia ,
 Chesse cose che scrivo , sono state :
 Sò fuorze suonne , o pure veretate ?
 E pò tanta Scrivane , e Scrivanielle .
 O chiammare volimmo pennarule ,
 Ch' a la Scola no poco tennerielle
 Ntraino cocozze , e sciute sò cetrule ;
 Quanto meglio pè lloro , o poverielle ,
 L' arte mparat' avessero fegliule ;
 Ca pè chello che beo , la Scrivania ,
 Da vero è diventata guittaria .
 Se sò fatte Dotture li erapare ,
 E miedece sò fatte li sommiere ,
 Che maje se' l potirno mmagenare ,
 * Nnè manco le passaje pè lo penziere ,
 Ma cose tutte contra tiempo , e spare ,
 Perche n' erano nate a sto mestiere ,
 Ma che facciano frutto n' è paura ,
 Perche servono sghitto p' enchietura ,

B 4

Son-

Songo sguigliate gran Precolature,
 Tutte novielle pe li Tribunale;
 Cierte de case grosse sò fatture,
 Che 'mprimmo se teneano pe pedale;
 Parte artisciane, e parte serveture
 Le faccio nnante, che fosse lo male;
 Perzò fra chiste non porraje trovare
 Uno che faccia manco competare.

Se sò ntosciate pure gran Dotture,
 Che mprimmo non valevano na quaglia,
 Ch'erano tanto sconzertate, e seure,
 Che non serveano manco pe na paglia;
 Mo stanno mpieco de scrivere'n Jure,
 E pè no vierzo nce vò na tenaglia,
 E la spuzzano (crideme) che manco
 La cedariano a Bascienzo de Franco.

Ma chillo che protegge, e che mantene
 Ndeoro lo Sopremo Tribunale,
 Fece fa Banne sotto grosse pene,
 Che non tutte cauzassero stivale;
 Ch'erano chiù Dotture de l'arene
 Venute da ste terre, e ssi Casale,
 E boze, che chi n'era smatrecato,
 Non fosse a lo Conziglio chiù accostato.

Si mò fosse lo tiempo de Romane,
 Li Miedece, che sò lo juorno d'hoje,
 Le mannariano npaise lontane,
 O le darriano npotere a lo Boje;
 Ca cierte ricè nne sò tanta pacchiane,
 Ch'a mmedecà no le darria no voje,
 Parlanno co la debeta protesta,
 Dico de chille doppo de la pella.

De pelle de Leone so bestute
 Co stà pesta cient'asene mmardate,
 E chi non avea n'ombra de vertute,
 Afficce ave avuto, e degnetate.

Vecco

SCONTRAFATTO. 33

Vecco l'arvole sicche sò sciurute,
 E li vuoje muorte so reforzetate;
 Si vuoje sapere, che cose so chesse,
 Sò stronza nzoccarate de la peste.
 O quant' addebolute pezzentielle
 A li païse llorò desolate,
 * Che cò coppole ncapo pe cappielle,
 E de zegrino stevan' ammantate;
 Pe parte de cauzette, calantrielle
 Portavano, ed a Napole arrevate,
 A sto bbestire dezero lo sfratto,
 E chi lamma vestette, e chi boratto.
 Lassa l' tessetore lo telaro,
 E la cocchiara lo fravecatore,
 Lassa de fa le barde lo Vardaro,
 Se fa janche le mano lo Tentore,
 Chi lo Miedeco fa, chi lo Notaro,
 E chi lo Speciale, o lo Dottore,
 E becco ogn' artisciano puosto ntuono
 Se face ommo cevile, ed ommo buono.
 Chi de pane, o de frutte potecaro
 Era, de fatto po mutaje penziere;
 Chi se fece mercante cantararo,
 E chi alloga cavalle, e chi sommiere;
 E mercante de tela n' ogliararo,
 E no parrella s'è fatto ogegniere;
 Mo chisse tutte, ch'anno mutat' arte,
 Chi Giove se cred' essere, e chi Marte.
 Chi venneva castagne, e chi sciofcielle;
 E fuorz' arte chiù bile pè campare
 Faceva, o jea vennenno zagarelle,
 * E chi ftea pe guarzone a potecate,
 Auzate le bediste nfi a le stelle,
 Tanta fu l'abbonanzia de denare,
 Perzò lassanno l'arte, e lo melliere,
 Ogn' uno volca fa lo Cavaliere.

B s.

Chi

Chi afficiale de lo Jostenziero,
 Chi scoppettella, sbirro, e chi spione,
 Laffanno affatto l'antico mestiero,
 Ogn'uno voze fa mutazione;
 E fatto gentelommo lo staffiero,
 No pedocchiuso è fatto mercantone,
 O penne, o gente addotte addove site,
 Che ste facenne ncarta non mettite?
 De chill' antiche, e famuse mercante
 Se sò perdute affatto le semmiente,
 Poco ncè so de quanta erano nnante,
 Ammico tu mme 'ntienne si mmè siente
 Parlo pe certe gente de Levante,
 Cà de li nuoste non se po dì niente,
 Causa la Pesta n'è, che n'ha zampate
 D'ogn'arte li chiù buone, e chiù aggarbate.
 N'ammico voze fa lo ntosciantiello,
 Pecchè l'era venuta ncuollo state,
 * E se voze vestì de terzaniello,
 Che bennuto le fu da duje sbarvate:
 L'un e l'auto faceva lo Mercantiello,
 E ppè quanto ntenniette erano frate,
 Ma creò, che li pariente fuino nnante,
 Po chiste fuino crede de Mercante.
 Nfrutto sti mercantielle, alias tappe,
 Le seppero servi buono a la coscia,
 * Ca le chiavaino ncanna cierte drappe,
 Chiù stantive, che n'è na fico moscia;
 Ca lo vestito puosto che se l'appe,
 Se strodette ntrè ghiurno, froscia, froscia;
 Lo quarto juorno sfrutto lo cappotto,
 L'abbesognaje vestirese de scotto.
 D'ogn'arte mo, d'ogne professione
 E' lo shiore dell'uommene mancato,
 E chi stea poco nnante pè guarzone,
 E' masto de pottea diventato,

Ogne

SCONTRAFATTO. 35

Ogne peducchio è puosto nguarnascione,
D'ogn' arte nzomma lo masto è sbarvato,
Però curre pè Napole a staffetta,
Ca non truove chi fà n' arte perfetta.
Affè gran gente bone sò mancare,
Ch' erano digne cient' anne campare,
E cierte scontrafatte nc' ha lassate,
Che bive erano buone a sotterrare;
Guierce, zuoppe, bistuorte, e scartellate,
Che non nce puoje pè niente commerczare,
Voglia lo Cielo, e come sò da fore,
Non siano dintò d'anemo, e de core.
Parlo, mme perdonate, de li trille,
E non de le perzune bone, e oneste,
De quale troppo poche n' haggio viste,
Dapo che sù stà benedetta peste;
Perzo non trascorrimmo mo de chisse,
Pecchè nnè parlarimmo fatte feste,
Vasta cà s' uno nnè vuo i cercanno,
Pe lo trovare non ce vasta n' anno.
Parlanmo mo no poco de l' Artiste,
E bedimmo à che stato se sò puoste,
Bartolo, Bardo, e l' antiche Jorille
Stà vota cierto sarriano scompuoste.
Tanto sò fatte nzanetate triste,
Che te fanno agghiaja primma ch' accuoste:
A le poteche pè ncè contrattare,
Pecchè appena se degnano parlare.
Li primme nzomma furno li scarpate,
Ch' all' arte l' oro mesero l' affisa,
Seufannose da pò, cà li coirare
Erano carestuse, e descortise;
Lo fele te facevano crepare,
E quase nnè volevano duje mise
Pe no paro, e si bè pagave nnante,
Decevano, n' havimmo lavorante.

Trova , si puoje no masto cosetore
 Che te facesse tanno no vestito ,
 Ca ncè volea na lettera de faore
 Pe te potè levare st'appetito .
 Comm' haggio ditto , ogn' un era signore ,
 E se potea tenere pe faurito
 Chi havea fortuna, correre a la ceca ,
 E ghirese a beitare a la Jodeca .
 Hora si tanno fecero guadagno
 Chille de la Jodeca , e buje penzate ,
 Ca tanno se correa senza sparagio ,
 Ch'erano huom-mene , e femmene cecate ;
 Si manco state fossero de stagno ,
 Accossì li zecchine erno stemate ,
 E n'frutto le ghittavano a lo viento ,
 Ca denare non erano de stiento .
 Te commene a levare la barretta ,
 Sì tu chiammave no solachianiello ,
 E bisognava di , vossia me metta
 A la scarpa na pezza , o tacconciello :
 E si pò ive a no concia cauzetta ,
 Maro te sfortonato poveriello ,
 Ch'erano puoste 'ntuono tutte quante ,
 Che non cedeano punto a li mercante .
 Si volive peglià na mmedecina ,
 E n'havive lo cantaro , jere juto ,
 O s' à la casa non e'era latrina ,
 Meglio , e' haviisse lo chialto perduto ;
 Potiv' ire a cacare a la marina ,
 Ca valeva ogne cantaro no scuto ;
 E s' accattà volive n' autenaro ,
 S'era de ramma non jea tanto caro .
 Solamente li povere Varviere
 A st'accorrenze gran bene hanno fatto ,
 Ca seppero fa buono lo mestiero ,
 E li impeltate pigliavano a patto ,

Pecchè senza nzagnie , senza crestiere
A nà gran parte dettero lo sfratto,
E mo che s'hanno fatte sei tornise
Ndozina co li Miedece sò mise .

Dapò si bè pagave na patacca

Pe nà varva ; non ne' era lo Varviero ,

* E ne' voleva de tarè na sacca

Si te volive fare no crestiero ;

Ogn'arte nzomma se fece vigliacca

Se fece forfantisco ogne mestiero ;

E pè no piezzo , e piezzo nzanetate

Tutte le cose stettero mbrogliate .

Và t'accost' a n' Arefece , và vide ,

Cà pe niente ne' puoje negoziare ,

Si no lo pruove , cierto non lo cride ,

Pecchè è na cosa da trasecolare .

Poco te serve ca strille , o ca gride ,

Cà quanto vonno bisogna pagare ,

E ba chiù na fattura de n' anello ,

Che non và no diamante , o no giojello .

Si fanno quacche pòvero compagno ,

Che non havea pè spennere na cria ,

Cà non e' era facenne , nè guadagno ,

Vennere se volea l' argentaria :

A piso l'accattavano de stagno ,

(O che bregogna , o che forfantaria)

Cà pe l'havere co chiù buon mercato ,

Deccano , non ne' serve , ch' è mpestato .

Li Robbevecchie , e li matarazzare ,

Ch' hanno accattate le robbe pè niente ,

Si pò da chille volive accattare

Te facevano stregnere li diente .

Vennere vonno nò , ma cappiare ,

Dalle che buoje ea maje no le contiente ,

Cà dove hanno spiso duje sarrine ,

Si ciento ne' npe daje , manco annevine .

De

De Notare nce n' è fuorze chiù d' uno ,
 Che s'è allociuto co li testamiente ,
 Ch'a chil'o tiempo non nc' era nesciuno ,
 Che facesse cautere , nè stromiente .
 Chi n' haveva besuogno de quarcuno ,
 L' havea da dare lo mille pè ciente ,
 E chi besuogn' hà mo de na screttura
 Non basta n' anno pè la cercatura .

V:ato tanno chillo Speziale ,
 Che aperta tenne la speziaria ,
 Fosse de mmedecina , o manuale
 Cà non facette mala mercanzia ;
 Attiso ne' era perzona , la quale ,
 (Benaggia aguanno , e chi lo credarria ?)
 Che pè na medecina , o no sceruppo ,
 De doppie , e de zecchine diè lo gruppo .

Da lo voje vecchìo lo vetiello piglia
 L' asempio , così fanno ste gentaglie ,
 Vide a che la malizia s' affottiglia ,
 Ch' hanno ncarute le seggie de paglie .
 E' cosa cierto de gran maraviglia ,
 Cà nfi a li nzorfarielle , e li ventaglie ,
 Pè nfi a le ntorce a biento nzanetate
 Li priezze hanno pè duppio auterate ,
 E cerca d' affittà na massaria ,
 E bide de trovare no Villano
 Ca chisse puro steano nsegnoria ,
 E chiù de tutte quante aute a la mano ;
 Stevano , cride a mè , co n' arbaschia
 Chiù de no Maledatto , o no Screvano ,
 E chiù le rese fà lo schiattamuorto
 Che nò na massaria , na starna , o n' uorto .
 Ogn' uno s' era puosto nguarnescione
 De non pagà chiù debete pè niente ,
 Nè se parlava de pagà persone ,
 Peechè manco valcano li stromiente ;

E chi

E chi tanno de case era patrone,
 Se potea bello spizzolà li diente;
 Nzomma dico ntoscano, che costoro,
 Se fecero la legge a gusto lloro.

Se sò ntosciate pè nfi a li staffiere,
 Portarrobbe, vastase, e seggettare;
 Se sò ntosciate pè nfi a li cocchiere,
 Che nesciuno l'abbasta à contentare;
 Perzò chi besuogn' hà de sto mestiere
 Quarche bota se serve de crapare,
 Da lloco vene mò, che le carrozze
 Non vanno maje deritte, ma semp' orze.

Si volive ammolà no temperino,
 Na forfecetta fuorze, o na lanzetta,
 Valeano d'ogne piezzo no carrino,
 Penza mò che boleano de n'accetta;
 Soggetto se vedea lo Cetatino.
 Pecchè non ne era legge, nè pannetta,
 Perzò de chisse cocchiere, e scarpate;
 Paricchie ne mannaltevo a bocare.

Si non era pe itè, bello Signore,
 Che diste a stè gentaglie schiaccio matto,
 Co li commanne tuoje, co lo terrore,
 Eramo tutte arpinate affatto.
 Se stenta no torne se co fodore
 Quanno lo spienne s' pigliato a patto;
 Ognuno d'arrobare have gran gusto,
 E nullo se contenta de o ghiusto.

Nfi a le pottane erano poste ntuono
 Ch'erano usate a doppie, e zecchine?
 Ne pratteca voleano d'hommo buono,
 * Sulo de schiattamuorte, e malantrine,
 Aballà non volevano a lo suono,
 De tarì, de cianfrune, e de carrine
 Ch'erano poste 'ngunto puro lloro,
 E non volevan' argiente, ma schitt'oro.

Ec-

Fecero l'uso co li Schiattamuorte,
 Che spennevano a mucchio li zecchine
 Comme zappate l'havessero all' huorte,
 O comme state fossero lopine,
 Sbracanno lo stentato de li muorte,
 Che non credeano maje venesse a fine;
 Ma chi le stenta, e suda a sto pajese,
 Ciento nòdeka face a no tornese.
 Che perzò steano ntresca tutte quante,
 Ogn' artesciano stea lieto, e contente,
 Pecch' ognuno spenneva li contante.
 * A mucchio, a uocchie chiuse, allegramente;
 Ogne guitto facea de lo galante,
 Nè a la misura, o prezzo tenea mente,
 Cà si na cosa valea trè carrine,
 Se pagava nfi a duje, e tre zecchine.
 Ajuta, Musa mia, ca ne' è chiù robba,
 Non me fa remmanere accossì nziceo,
 Ca te prometto de te fa na bobba,
 Che non ncè voglia vroecca, nè palisco:
 Vi ca non canto a suono de triobba,
 Nè dico le bertù de chillo Misco
 Chillo, che laudaje tanto lo Cortese,
 E po non heppe manco no tornese.
 Auzzi lo canto, state allegramente,
 Pecch'è lo rreto, scimmone co nnoie,
 Non vi ca nce protegge nò Reggente,
 Che faorisce le muje a tutte l'hore?
 De chille matremmonie azzellente
 Fatte tanno, decimmo a sto Signore;
 Pecchè non mancarà cierto Don Dicco
 Darence li taralle co lo grieco.
 Dimme previta toj lo gran fracasso,
 Cantame pe lo filo lo focciello
 Adasillo, adasillo, a passo a passo,
 Dimme chello fornimmo sto prociesso,

Di de li matremmonie lo sconquasso,
E che nce foccedette dimme appriesso:
Votta priello li mantece, dà fuoco,
Cà farraje nnommenata p'ogne luoco.
Via, non te vregognià, priello spapura,
Non pechè de lo siefio semmenino
* Se parla, te nne mettere a paura,
Ca n' hanno comm'a buje de lo Divino.
De vuje la castetà nmaterno dura,
Perrò fa di lo vero a Balentino;
Votta, via, vienetenne co la renza,
Mente la penna a scrivere, accommenza.
Faceano tutte lo santificeto
Chille, ch'erano fanno mmedolate
Se steva ogn'uno modesto, e descreto
Ca vuto fatt'havea de castetate;
Ma nchè lo Munno veddero cojeto,
Se sò tutte de botta revotate,
E se pigliava ogn'uno la vecina,
Chi pè moglie, e chi pè concobina.
Ogne femmena uttempo de la Peita,
Parea, che fosse la Diana casta,
E stev'ammarecata, affitta, e mesta,
Che non parea de carne, ma de pasta;
Ma po levaino tutte quante jesta,
Quanno chella cessaje, dicenno, vassa,
Tornammo tutte priello all'uso antico,
E chi non ha marito, haggia n'ammico.
Ogn'uno a gusto comme vò se spassa,
E sente gran piacere, e gran sollazzo,
Ognun'a fa spreposete nce ngrassa,
* E correu'a la borda comm'a pazzo.
Lo Patrone se nguadia na Vajassa,
La Signora se piglia no Ragazzo,
L'artista co la nobele apparenta,
Così i' uno de l'auto se contenta.

No

No riccone se piglia na pezzente,
 E chella, quale aveva li contante,
 Se piglia pè marito no dolente,
 • Che ghica quase pezzenno poco nnante.
 N' hommo bello se piglia nà scotente,
 Nà bella no cecato, o zoppecante;
 La fegliola no vecchio, no pellecchia,
 E no fegliuolo se pigliaje na vecchia.
 E becco cà se mosse no vesbiglio
 De nuove amante, e nuove nnamorate;
 No mbruoglio, n'arravuoglio, e no greciglio
 Nfrà mmaretate, zite, e mmedolate,
 Senza piglià parere, ne conziglio,
 D'ammice, de pariente, o vecinate,
 Ognuno priesto priesto, pè stà tresca,
 Chi pè denare, e chi pè carne fresca.
 Vajate tanno chille Parrocchiane,
 Ch' eppero a chillo tiempo stà ventura
 De le far'acchioppà mane co mane,
 O de le vattejà la criatura;
 Viate puro tanno le mammane,
 Ca li zeechine avevano a mmesura.
 Viate li Notare, che li stizze
 Fecero de stromiente, e de scapizze.
 Parcano veramente cose strane
 Le scene, e l'apparenzie de tanno,
 Cient' Abbate jettaino le sottane,
 • Straacciano le Bezzoeche lo foccanno
 Chille pe nguadiare le pottane,
 Cheste pe s'abbraccià cò lo mal' anno
 Credeano fuorze de chesta manera
 Mettere affiesto Napole comm' era.
 Accossì puro chiù de no torzone
 Se le vota lo cieebro, e se sfrata,
 Lassano affatto la Relegione
 • Fuorze pè renovare la casata;

Da chisse mò che generazione
Voglio che co lo tiempo nne sia nata,
Chi ha da me ghiodizio, e ch'ù sinno,
Creo che lo faccia, e m' haggia ntiso a zinno.
Non se jeva cercanno nascemiente.
Nè s'era ricco, o s'era poveriello,
Nè si compare fussero, o pariente,
Nè s'era vecchio, ch' havea lo scartiello,
Nzomma non se curavano de niente,
E leva llà chi havea no scrivaniello;
E chi mogliere fu de no dottore,
S'è nguadiata co no servetore.
Mogliere d'artefeciane, e mercantune,
Che ghicano a pare de le titolate,
Stettero appena trè ghiurne diune
De tu mme ntiene, e pò se sò ghiettate,
Piglianno pè marite li guarzune
Da lloro stesse spisso mazziate,
Ma mo che so f route st'appetite,
Chiagnano tutte li primme marite.
Che le venga la rognà, e fatte zelle,
Comm'a la ceca jevan'a mmorare!
Erano lette a fà le ghiacovelle
Co guitte, e portarrobba, e potecare,
Mogliere de Notare co parrelle,
Tanta gente cevile co ferrare,
E chi eppe no Rè d'hommo pè marito,
S'è mmaritata co no spil'acito.
Ognuno se tenea pè Prencepeffa
Quanno senteva nomenà lo zito,
Parea che tutto havessero la seheffa,
Tanto se l'era muosso l'appetito;
Potta de lo Diaschence, e che pressa
Haveano de no muorzo de marito!
Ed i ne faccio nguadejate ciete,
Ch'ancor haveano li bobune apierte.

Chi

Chi pigliava tre marite n' uno mese,
 E chi a lo stisso tiempo tre mogliere,
 Chi ne lascia una viva a lo pajese,
 E ceà nne vò provà de chiù manere;
 Ognuno piglia chi l'è chiù manese;
 O siano cetatine, o forastiere,
 O senza fare troppo zeremonie,
 Faceano parentizze, e matremmonie.
 Chi de no muodo, e chi de na manera
 Fatt' hanno matremmonie faurze, e stuorte,
 Chi fore ha lo marito, e chi ngalera,
 E sparza hanno la voce ca so muorte.
 D'essere na signora ognuna spera,
 Piglianno pè marite schiattamuorte;
 Ma mo stanno contente, e conzolate,
 Comm'a lo mpiso mmiezo a li Confrate
 Chi fidate a parole de guittune.
 S' hanno fatto truffà le centenare,
 Co la speranza a le promessiune,
 Nfrà cietro tiempo de le nguadiare:
 Se fecero abbottà comm'a pallune,
 Nfrà che scomputè foro li denare,
 Ma sti frabbutte pò l'anno lassate,
 E pottane, e pezziente sò restate.
 Ciert' anticaglie vecchie de pezzulo,
 Ch' hâveano poco diente, e manco mole
 Vozero pè marito no fegliuolo,
 Danno le migliarate de mogniolo
 Vozero nfrà a lo reto lo cotrulo,
 Comme si llate fossero figlio'e,
 Ma chillo che correva pe Becenzone,
 Che buò fà, fece trippa, e corazzone,
 Chi maje eppe speranza de marite,
 E pareano vajasse rejettate,
 Anze nfrà l'aute certe beechie zite,
 Che de lo munno s'erano scordate,

E de chesse nce n'erano nfenit',
Che mò tutte se songo mmaritate,
Co golio de se fa capo de casa,
Ma lo pede mettertero a la vrasa,
Ciento zantraglie, e ciento petrolicelle,
Che stavano a bettura le meschine,
A le Cenze, ali' Agnone, a ssi vordicelle-
E le pòtive havè pe duje carrine;
Mò se sò mmaritate pè zi'elle,
Mò mperteca sò poste le mappine;
Ma perchè chill'arrignie sò passate.
Stanno mo chiù de primmo annegrecate.
E becco se sò tutte sgoliate,
Vedole, vecchie, giovenelle, zite,
Ch'arrassu sia stevano arraggiate
Pè se vedere accanto li marite,
Meglio pè lloro, e non fossero nate,
Ca non jczero julle li partite:
Pocca a le case lloro auto non siente;
Si non contrasta, trivole, e lamiente.
Stettero ntresca cierte poco mise,
Menanno sempe vita sciallacquata,
Sguazzanno, e trionfanno, nfeiste, e tife,
Comm'a la casa nce fosse la Fata;
Ma scompute che foro li tornise,
E la robba, già saje comm'acquistata,
Se sò tutte mutate de colore,
E s'è cagnato nn'odio l'ammore.
Ad ogne casa nc' è l'accisione,
L'uno dell'auto s'è sfaldediato,
Ogne marito piglia occasione,
Quanno vede scomputo lo felato;
Che бага la moglie a lo pascone
Ogne guittone se n'è contentato;
Ca non valen'ogn'uno se pretesta,
Le parentizze fatte cò la Pesta.

Vec-

Vecco le bone sciorte sò scumpute,
 Vecco ca sò sciagure diventate,
 Ca mpoco tiempo tutte se pentute
 L' uommene, ch' a guaje loro sò addonate,
 Vecco le contentezze so sbanute
 De chille poco, che nce so restate,
 Massima a ldove sò figlie, e feghaste
 Penzate vuje li trivole, e contraste.
 Chi pè baiasse, e chi pè dammecelle
 Parte mbordiello, e parte a lo spedale,
 Cent' aute sperze comm' a pettolelle
 Fojute se nne sò pè ssi Casale;
 Chiss' è lo fine de chesse ciantelle,
 Che sò ghiute a mmorrà comm' anemale
 Piglianno sti verrille de no core,
 Che poco hanno vregogna, e manco nore.
 Dicere de cient' aute ne vorria,
 Ma pè ve di lo vero haggio paura,
 Che quarcuno non trasa nfantasia,
 E co lù mmuto me faccia na cura;
 Si le sentisse è na sorsantaria,
 Ca sò cose senz' ordine, e misura,
 Ma lassammole ghi, che siano accise,
 Chelle, che pigliat' hanno spoglia mpise.
 Ma le femmene tè, nò manco male,
 Pecchè songo rebelle a la ragione,
 Ca songo justo comme l' anemale,
 E pò tanno correa sta nnazione,
 Donca perche le femmene sò tale.
 Sò quasc degne de compassione,
 Ma l' uommene, che sò tanto sapute,
 A ste facenne puro sò cadute.
 Chiss' aute puro sò ghiute a morrare
 Co nguardiare certe pettotelle,
 Che n' auto tiempo, nè pe lavannare
 L' havarriano tenute, o pè zetelle,

Accossì ghieva lo munno, che buoje fare?
Accossì fanno correato le stelle,
Cà steano co lo miccio a lo focone,
Et ognuno correva a battagliaione.

Fra l' aute ciente vecchie de Sofanna,
Che non valeano n' aceno de miglio,
Sicche, e tremante justo com' a canna,
A mala pena buone pè conziglio,
Da lloro stiffe na mannara ncanna
Se mesero, pè fare quarche figlio,
Pig' ianno na feg' iola pe moglie, re,
Che ghiocà nce potrano a covalera.

Se cresero co fa lo sottaniello
De lamma d' oro, e na bella velata
Co na bella catena, e quarch' anello,
Tenere la moglie consolata;
Ma chella che boleva lu gioveniello,
P' avere spillo carne a la pignata
Quanno fa na femmena pò vedette
Ca non nce ne trasie, se nne sojette.

E becco cà nvecchiezza hanno provato
Chello, che ngioventù mai s' hanno eriso,
Ognuno creò se farria contentato,
Pe non senti sti guaje, d' essere mpiso:
Chi pè dolore nne cadlo malato,
E quacchuno lo cuojero n' hà stiso,
E chi è bivo nfi ad' hoje, lo poverello
Le bà cercanno co lo campanello.

Chiù d' uno ne' e trasuto nchist' abballo,
Cò se nzorare la secona vota,
Ca se crese fa quinnece, ma fallo
Fece meglio s' avesse dato vota:
Non pè tutte cantaje tanto lo gallo,
Cà ro à tutte Fortuna fu devota,
Però dico pacienza ad ognuno.
Massem' a chi gliottuto s' ha.

Pè dichiarà, Signore mio, sto mbruog'io
 Nncè vorriano semmane, mise, ed anne,
 Ncè vorria, crid'a mmè, chiù de no fuoglio
 Pe scrivere sti trivole, e st'affanne;
 Che le scardano lloro chille scuoglie,
 E chi gusto sentette, senz'affanne:
 Ca chi non face chello, che commene,
 Simele, e peo de chello le ntravene.

Ma si quarcuno se sentesse affiso

A stò parlare, e siasc chi se sia,
 Che benesse a stà storia compriso,
 Mme faccia na quarera Nvecaria,
 E si non vò fa chello, le dò avviso,
 Che non parla pè niente, e che se stia;
 E si nò; co na funa a lo mercato
 Vaga, ca trova lesto lo staccato.

Non sia chi piglia n'auzo sto latino

De quanto dico, attiso è ngenerale,
 Nè maje volontà fu de Valentino

De quarche galant'ommo dire male:

Parla sulo pe quarche malantrino,

E sempre azzettoanno tale, e quale;

Nè l'ommo buono mprimmo, e dopò pesta
 Comprennere se scusa, e se protesta.

Haggio scomputo chello, ma mme resta
 De dicere aute cose fore josta;

Ma perchè mò la Musa leva jesta,

Io manco canto, ca Maggio s'accolla:

La facenna è mpastata, e già sta lesta,

E boglio, che chiù d'uno se ne golla;

E m'ha promisso, e creò, che non me nganna

Cà me vò fa cantà la MEZA CANNA.

F T U R A.

14720

BIBLIO